

Modalidade	Apelidos	Nome	Desde	Ata
05	Piñeiro Mourín	José Manuel	1-3-2011	30-6-2011
05	Poza Bóveda	Juan Vicente	1-3-2011	30-6-2011
05	Rama Lorenzo	Sofía Cristina	1-3-2011	30-6-2011
05	Ramos Devesa	Emma	15-9-2010	14-1-2011
05	Rodríguez Rodríguez	Víctor Eladio	1-3-2011	30-6-2011
05	Ron López	María Luisa	1-3-2011	30-6-2011
05	Salorio Fernández	Ana María	1-3-2011	30-6-2011
05	Sampedro Cid	Gema	1-3-2011	30-6-2011
05	Sandino Carreño	María Ángeles	1-3-2011	30-6-2011
05	Taboada Pérez	María Carmen	15-9-2010	14-1-2011
05	Valiño Ferrín	Isabel	1-3-2011	30-6-2011
05	Vázquez García	Rodrigo	1-3-2011	30-6-2011
05	Vilariño Seco	Josefina	15-9-2010	14-1-2011
05	Villar Romarís	Ana Esperanza	1-3-2011	30-6-2011
05	Wenzel Strauss	Roland	1-3-2011	30-6-2011
06	Buela Piedra	María Pilar	1-3-2011	30-6-2011
06	Díaz Regueiro	Manuel	1-3-2011	30-6-2011
06	León Prieto	Vicente Andrés	15-9-2010	14-1-2011
06	Madrid Rísquez	Antonio	15-9-2010	14-1-2011
06	Montejano Rivas	Juan Carlos	1-3-2011	30-6-2011
07	Cadorniga Valiño	María del Carmen	1-5-2011	30-6-2011
07	Ferreira Rodríguez	Tomás	17-1-2011	16-3-2011
07	Garrido Rodríguez	Manuel Felipe	1-4-2011	31-5-2011
07	González Iglesias	Ana Rosa	27-9-2010	26-11-2010
07	Piña Rodríguez	Eva	1-2-2011	31-3-2011
07	Rial Conde	María Xosé	1-1-2011	28-2-2011

## CONSELLERÍA DO MEDIO RURAL

*Orde do 13 de xullo de 2010 pola que se establecen as bases reguladoras de concesión de axudas en réxime de concorrencia competitiva para a renovación do parque de maquinaria agrícola da Comunidade Autónoma de Galicia e se convocan para o ano 2010.*

O Real decreto 457/2010, do 16 de abril (BOE nº 111, do 7 de maio), regula as axudas para a renovación do parque español de maquinaria agrícola pola necesidade de cumprir cos obxectivos de mellorar a eficiencia enerxética para conseguir unha cota de aforro de carburantes asignada ao sector agrario, menor impacto ambiental, reducir as emisións contaminantes á atmosfera, e a de rebaixar os índices de sinistralidade nas actividades agrícolas e forestais.

Estas axudas acóllense ao previsto no artigo 4 do Regulamento (CE) 1857/2006, da Comisión, do 15 de decembro, sobre a aplicación dos artigos 87 e 88 do Tratado ás axudas estatais para as pequenas e medianas empresas dedicadas á produción de produtos agrícolas e polo que se modifica o Regulamento (CE) 70/2001, o que se lle comunicou, de acordo co estipulado no citado regulamento.

Estas axudas financiaranse con fondos do Ministerio de Medio Ambiente, e Medio Rural e Mariño, así como con outras achegas que para estes mesmos fins puidese facer a Consellería do Medio Rural.

En virtude do exposto, de conformidade co artigo 30.I.3 do Estatuto de autonomía de Galicia, e no uso das facultades que me confire a Lei 9/2007, do 13 de xuño, de subvencións de Galicia, e a Lei 1/1983, do 22 de febreiro, reguladora da Xunta e da súa Presidencia,

### DISPOÑO:

#### SECCIÓN PRIMEIRA

BASES REGULADORAS DE CONCESIÓN DE AXUDAS EN RÉXIME DE CONCORRENCIA COMPETITIVA PARA A RENOVACIÓN DO PARQUE DE MAQUINARIA AGRÍCOLA DA COMUNIDADE AUTÓNOMA DE GALICIA

#### Artigo 1º.-*Obxecto e finalidade.*

1. Esta orde ten por obxecto establecer, en réxime de concorrencia competitiva, as bases reguladoras para conceder axudas para a renovación do parque de tractores e máquinas automotrices agrícolas da Comunidade Autónoma de Galicia, así como proceder á súa convocatoria para o ano 2010.

O medio para atinxir o obxectivo é a substitución das máquinas máis vellas, que deberán ir destinadas ao desmantelamento, por novos tractores e novas máquinas que, ao estaren equipados con modernas tecnoloxías, melloran as condicións de traballo, teñen unha maior eficiencia enerxética e producen menor impacto ambiental.

2. Tamén se poderán destinar estas axudas procedentes do desmantelamento de tractores e máquinas automotrices á adquisición de determinadas máquinas arrastradas e suspendidas, como:

a) Sementadoras directas.

b) Cisternas para xurros e espaxadores de fertilizantes sólidos equipadas, en ambos os casos, con dispositivo de localización.

c) Fertilizadoras e equipamentos de aplicación de produtos fitosanitarios que posibiliten unha correcta distribución, mediante acreditación dunha estación de ensaios específica para estes tipos de máquinas.

3. A finalidade desta disposición é:

a) Garantir unha mellora nas condicións de traballo dos agricultores no manexo da maquinaria agrícola.

b) Incrementar o equipamento destes vehículos para maior seguridade nos seus desprazamentos polas vías públicas.

c) Potenciar a utilización de tractores e máquinas automotrices dotados con motores de novo deseño e de mellor aproveitamento enerxético do combustible.

d) Reducir a contaminación por emisión de gases e o seu nivel sonoro.

e) Asegurar a introdución na agricultura de tractores e máquinas con alta tecnoloxía, fiables e apropiados para satisfacer os requirimentos demandados pola agricultura moderna.

f) Promover a utilización en común da maquinaria agrícola para economizar os recursos do sector.

*Artigo 2º.-Contía da axuda.*

1. A contía base da axuda establécese en 80 euros por cabalo de vapor (CV), da potencia que conste na inscrición no Rexistro Oficial de Maquinaria Agrícola (ROMA), no caso de tractores e motocultores. Para o resto de máquinas automotrices, a potencia en CV determinarase multiplicando polo factor 5 a súa potencia fiscal.

2. No caso de que o beneficiario/a sexa unha persoa física, a contía base da axuda incrementarase, atendendo ás súas condicións e as da súa explotación, nas contías seguintes:

a) Por ser titular dunha explotación agraria prioritaria, definida no artigo 3 da Lei 19/1995, do 4 de xullo, de modernización das explotacións agrarias, en 35 euros por CV. A dita explotación deberá estar inscrita no Rexistro de Explotacións Agrarias Prioritarias da Comunidade Autónoma de Galicia segundo o Decreto 253/2008, do 30 de outubro.

b) Por ser agricultor/a mozo/a, que presente a solicitude da axuda para desmantelamento do tractor ou máquina automotriz durante o proceso da súa primeira instalación ou nos cinco anos seguintes a esta, ou por tratarse dunha explotación de titularidade compartida de acordo co artigo 2 do Real decreto 297/2009, do 6 de marzo, sobre titularidade compartida das explotacións agrarias, en 25 euros por CV.

c) Por estar a explotación nunha zona cualificada como zona de montaña ou outras zonas con dificultades, entre as citadas no artigo 36, letra a), incisos i), ii) e iii), do Regulamento (CE) 1698/2005 do Consello, do 20 de setembro, relativo á axuda ao desenvolvemento rural a través do Fondo Agrícola de Desenvolvemento Rural (Feader), en 10 euros por CV.

3. No caso de que o beneficiario sexa cooperativa agraria, cooperativa de explotación comunitaria da terra, cooperativa de traballo asociado cuxa actividade principal sexa a agraria ou unha sociedade agraria de transformación (SAT), inscritas nos correspondentes rexistros oficiais, a contía da axuda será a contía base incrementada en 70 euros por CV de potencia dos tractores e máquinas automotrices desmantelados.

4. Para outras persoas xurídicas cuxa actividade principal sexa a produción agraria así como para as persoas físicas ou xurídicas cuxa actividade principal sexa a prestación de servizos agrarios, sempre que estean inscritas nos correspondentes rexistros ou censos oficiais, o incremento da contía base será de 25 euros por CV de potencia da maquinaria desmantelada.

5. A persoa ou entidade solicitante poderá desmantelar máis dun tractor ou máquina automotriz, e adquirir un único tractor novo ou unha soa máquina nova por beneficiario e convocatoria do ano, sempre

que a contía total da axuda que poida percibir non exceda os límites máximos especificados no artigo seguinte.

6. A contía da axuda incrementase atendendo ás deficiencias de seguridade dos tractores desmantelados, en 80 euros por CV cando sexan unidades de tractores inscritos no Rexistro Oficial de Maquinaria Agrícola (ROMA) antes das datas de exixibilidade da obriga de ter estruturas de protección homologadas para cada grupo e subgrupo de tractor, tal e como figuran na Resolución do 21 de marzo de 1997 (BOE do 11 de abril) da Dirección Xeral de Producións e Mercados Agrícolas, pola que se actualiza o anexo I da Orde do 27 de xullo de 1979, pola que se regula tecnicamente o equipamento dos tractores agrícolas con bastidores ou cabinas oficialmente homologadas. Para os tractores estreitos (grupo 3), entenderase como data de exixibilidade o 2 de xullo de 1993.

7. A contía da axuda incrementarase, ademais, en 50 euros por CV do tractor desmantelado, cando xunto ao devandito tractor se desmantela un ou máis equipamentos de tratamento fitosanitario ou de distribución de fertilizantes, inscritos no ROMA a nome do solicitante da axuda, enganchables ao devandito tractor.

8. A contía base da axuda poderase incrementar tamén atendendo á clasificación segundo a eficiencia enerxética do novo tractor, e ao seu estado de cumprimento da normativa de emisións, reguladas polo Real decreto 2028/1986, do 6 de xuño, sobre as normas para a aplicación de determinadas directivas da CE, relativas á homologación de tipos de vehículos automóbiles, remolques, semirremolques, motocicletas, ciclomotores e vehículos agrícolas, así como de partes e pezas dos ditos vehículos, nos seguintes importes, referidos á potencia da maquinaria desmantelada:

a) Por clasificación na categoría máis alta de eficiencia enerxética (A): 30 euros/CV.

b) Por clasificación na segunda categoría máis alta (B): 10 euros/CV.

c) Por ter na súa homologación valores de emisións contaminantes inferiores aos exixidos, no momento de presentación da solicitude, en 10 euros/CV.

*Artigo 3º.-Compatibilidade con outras axudas e contía máxima.*

1. A axuda máxima por beneficiario e convocatoria do ano non poderá superar:

a) 12.000 euros no caso de adquisición de tractores novos.

b) 15.000 euros no caso de adquisición de novos tractores, cando xunto co desmantelamento de tractores se dea algún dos supostos recollidos nos números 6 e 7 do artigo 2º.

c) 30.000 euros cando se trate de máquinas automotrices de recolección.

d) O 30% do investimento no resto de máquinas automotrices e no caso de máquinas arrastradas.

2. Estas axudas son compatibles con calquera outra legalmente establecida co mesmo obxecto, coas limitacións establecidas no artigo 19 do Regulamento (CE) 1857/2006, da Comisión, do 15 de decembro, sobre a aplicación dos artigos 87 e 88 do Tratado ás axudas estatais para as pequenas e medianas empresas dedicadas á produción de produtos agrícolas, e polo que se modifica o Regulamento (CE) 70/2001, e sempre que non superen os límites especificados nos puntos seguintes ou no artigo 4.º do citado regulamento. Para estes efectos os solicitantes incorporarán ao expediente unha declaración das axudas solicitadas para esta mesma finalidade.

3. No obstante, a obtención concorrente de axudas outorgadas para a mesma finalidade por todas as Administracións ou entes públicos ou privados, nacionais ou internacionais, cando o importe total das axudas percibidas por cada beneficiario supere os ditos límites, dará lugar á redución proporcional que corresponda no importe das axudas reguladas por esta orde, ata axustarse ao dito límite.

4. A contía máxima do conxunto das axudas a que se refire o número 2 deste artigo, expresada en porcentaxe do importe do investimento subvencionable, calculada a partir do custo total de adquisición, considerando o prezo neto de factura, sen incluír o IVE, é:

a) En zonas desfavorecidas ou nas indicadas no artigo 36, letra a) incisos i), ii), e iii), do Regulamento (CE) 1698/2005, do 20 de setembro, o 50%.

b) Nas demais zonas, o 40%.

c) En agricultores/as mozos/as que soliciten a axuda no momento da súa instalación ou nos cinco anos seguintes a esta, as porcentaxes anteriores incrementaranse en 10 puntos porcentuais, en cada caso.

5. O límite do investimento subvencionable será de 100.000 euros por solicitante e convocatoria do ano.

*Artigo 4º.-Requisitos e compromisos dos beneficiarios.*

1. Para acceder á axuda regulada nesta orde cómpre:

a) Ser titular dunha explotación agraria ou tratarse dunha entidade das recollidas no artigo 2º puntos 3 e 4.

b) Cando se trate doutras persoas físicas ou xurídicas distintas a cooperativas agrícolas ou SAT, acreditar, ademais que a súa actividade principal é a agraria, deberán presentar o seguinte:

1º No caso de persoas xurídicas deberán presentar os estatutos e documento de constitución en que deberá figurar o selo do rexistro coa inscrición rexistral.

2º No caso de persoa física ou xurídica, que presta servizos agrarios, deberá presentar, de ser o caso, os estatutos e documento de constitución, certificado da Axencia Tributaria que recolla a alta na actividade de prestación de servizos agrarios e, en todo caso, certificado de estar inscritas nos rexistros ou censos oficiais.

c) Axustarse á definición de pequenas e medianas empresas (peme) conforme o anexo I do Regulamento (CE) 800/2008 da Comisión, do 6 agosto, polo que se decláran determinadas categorías de axudas compatibles co mercado común en aplicación dos artigos 87 e 88 do Tratado (Regulamento xeral de exención por categorías).

d) Cumprir as normas comunitarias aplicables aos investimentos de que se trate, tal como establece o artigo 26 do Regulamento (CE) 1698/2005, do 20 de setembro, relativo á axuda do desenvolvemento do Fondo Europeo Agrícola de Desenvolvemento Rural (Feader).

e) Ser titular do novo tractor ou máquina e da maquinaria desmantelada, tendo en conta as excepcións recollidas no artigo 5.1º b).

f) Comprometerse a non allear o novo tractor ou a nova máquina durante un período de 5 anos, contados a partir da súa adquisición. No caso de incumprimento, o beneficiario deberá reintegrar ao Tesouro Público o importe da axuda obtida e os xuros correspondentes, salvo que a Administración concedente outorgue a autorización nos termos previstos polo artigo 31.5º b) da Lei 38/2003.

g) Non ter a consideración de empresa en crise.

h) Estar ao día nas súas obrigas fiscais e coa Seguridade Social conforme a normativa vixente e non ter ningunha débeda pendente de pagamento coa Administración da comunidade autónoma. Así mesmo, no caso de estranxeiros, co cumprimento das obrigas establecidas en materia de autorización de residencia e traballo.

i) Non ter sido sancionado por delitos ou infraccións ambientais ou contra a Facenda pública.

2. Así mesmo, poderán beneficiarse da axuda as cooperativas agrarias, as cooperativas de explotación comunitaria da terra, as cooperativas de traballo asociado cuxa súa actividade principal sexa a agraria, e as SAT, que adquiren un novo tractor ou máquina para a súa utilización en común, con desmantelamento dunha ou máis unidades de tractores ou máquinas automotrices antigas, cuxos titulares sexan as propias cooperativas ou ben socios destas, e que cumpran os requisitos anteriores, coa excepción do sinalado na letra e) do punto anterior. Deberán presentar os estatutos, documento de constitución e certificado da súa inscrición rexistral.

3. Non poderán obter a condición de beneficiarios aqueles solicitantes nos cales concorra algunha das circunstancias previstas nos números 2 e 3 do arti-

go 13 da Lei 38/2003, do 17 de novembro, xeral de subvencións.

Artigo 5º.-*Requisitos do tractor ou máquina automotriz desmantelados.*

1. Os tractores e máquinas automotrices que se desmantelen deberán:

a) Ter máis de 15 anos de antigüidade, excepto para os equipamentos de recolección, que poderá ser de 10 anos, computados entre a data da súa primeira inscrición como alta no Rexistro Oficial de Maquinaria (ROMA) e a data da solicitude da axuda.

b) Estar inscrito no ROMA polo menos un ano antes da data de solicitude baixo a titularidade do/a solicitante da axuda, agás nos casos de transmisión ou cambio de titularidade da explotación, falecemento, invalidez permanente ou xubilación do seu anterior titular, ou nos casos de primeira incorporación de mozos/as á titularidade ou cotitularidade da explotación agraria. Este requisito será exixible igualmente aos socios de cooperativas e sociedades agrarias de transformación recollidos no artigo 4º.2.

c) Estar en condicións de uso e non de abandono. Poderase acreditar coa presentación da inspección técnica de vehículos (ITV) ao día ou co seguro de circulación en vigor no momento da solicitude da axuda ou cun informe dun técnico da Consellería do Medio Rural.

d) Ser entregado nun centro autorizado de tratamento ou nunha instalación de recepción, regulados no Real decreto 1383/2002, do 20 de decembro, sobre xestión de vehículos ao final da súa vida útil, e na Orde INT/624/2008, do 26 de febreiro, pola que se regula a baixa electrónica dos vehículos descontaminados ao final da súa vida útil.

e) Causar baixa definitiva no ROMA, cunha anotación en que se faga constar que foi desmantelado e que foi acollido á axuda do Plan Renove. Así mesmo, deberá causar baixa definitiva no Rexistro de Vehículos de Tráfico, se estivese inscrito nel.

2. Os equipamentos de aplicación de produtos fitosanitarios e de distribución de fertilizantes que se desmantelan xunto cun tractor, deberán:

a) Estra inscritos no ROMA baixo a titularidade do solicitante da axuda ou dos socios de cooperativas ou SAT nos casos recollidos no artigo 4.2º.

b) Ser entregados a un centro autorizado de tratamento ou nunha instalación de recepción.

c) Causar baixa definitiva no ROMA, cunha anotación, en que se faga constar que foi desmantelado e que foi acollido á axuda do Plan Renove.

Artigo 6º.-*Requisitos do novo tractor ou máquina.*

O novo tractor ou máquina deberá cumprir os seguintes requisitos:

1. Ser adquirido en data posterior á da solicitude da axuda.

2. Quedar inscrito como de primeira adquisición, no ROMA do servizo provincial correspondente, de acordo co especificado no Real decreto 1013/2009, do 19 de xuño, de caracterización e rexistro da maquinaria agrícola.

Artigo 7º.-*Solicitudes e documentación.*

1. As solicitudes para obter a axuda poderanse presentar nas oficinas agrarias comarcais, nos departamentos territoriais da Consellería do Medio Rural ou en calquera dos lugares e nas formas previstas no artigo 38.4º, da Lei 30/1992, do 26 de novembro, de réxime xurídico das administracións públicas e do procedemento administrativo común, e axustaranse aos modelos que se xuntan a esta orde.

2. Coa solicitude de axuda achegarase a documentación complementaria establecida na orde e, ademais:

a) Fotocopia cotexada do DNI/CIF do solicitante ou autorización ao órgano instrutor do procedemento á consulta telemática dos seus datos de identidade no Ministerio de Administracións Públicas. Para iso deberá xuntar o anexo correspondente marcando o recadro de autorización.

b) Se o solicitante é persoa xurídica, fotocopia cotexada do DNI do representante ou autorización ao órgano instrutor do procedemento á consulta telemática dos seus datos de identidade no Ministerio de Administracións Públicas. Para iso deberá xuntar o anexo correspondente marcando o recadro de autorización.

c) No caso de persoas xurídicas cuxa actividade principal é a produción agraria, fotocopia cotexada do DNI de todos os socios ou autorización ao órgano instrutor do procedemento á consulta telemática dos seus datos de identidade no Ministerio de Administracións Públicas. Para iso deberá xuntar o anexo correspondente marcando o recadro de autorización.

d) Certificación dos datos bancarios (ser titular da conta onde se quere percibir o pagamento da axuda).

e) Fotocopia da cartilla agrícola e ficha técnica do tractor ou máquina automotriz vella para desmantelar, e fotocopia da cartilla agrícola e certificado de características técnicas no caso de que se desmantelen máquinas de aplicación de produtos fitosanitarios ou de distribución de fertilizantes.

f) Unha factura pro forma do novo tractor ou máquina que se adquira, en que deberá figurar a marca, modelo e prezo neto sen IVE.

g) Fotocopia cotexada dos estatutos e documentos de constitución do solicitante persoa xurídica.

h) No caso de cooperativas, fotocopia cotexada da súa inscrición rexistral.

i) No caso de SAT, fotocopia cotexada da súa inscrición rexistral.

j) No caso de empresas de servizos agrarios, certificado da Axencia Tributaria que recolla a alta na actividade de prestación de servizos agrarios.

k) Para xustificar que o tractor ou máquina vella para desmantelar está vinculada á mesma explotación do solicitante deberá achegar unha ou algunha da seguinte documentación, segundo o caso:

-Fotocopia cotexada de transmisión ou cambio do titular da explotación ou fotocopia do certificado de defunción ou de invalidez ou de xubilación ou do libro de familia ou certificado de convivencia ou certificado de empadramento, ou certificado de inscrición do Rexistro de Parellas de Feito do seu anterior titular ou nos casos de primeira incorporación dos mozos/as á titularidade ou cotitularidade da explotación agraria, unha fotocopia da súa incorporación.

l) Se o titular do tractor ou máquina agrícola vella para desmantelar é socio da cooperativa ou SAT, certificado de pertencer a ela.

m) Certificado de emisións de gases contaminantes do tractor novo, de ser o caso.

n) Declaración doutras axudas solicitadas para a mesma finalidade.

o) Informe da vida laboral na actividade agraria das persoas que traballan na explotación agraria.

p) Se o solicitante é unha persoa física titular de explotación agraria, fotocopia cotexada da última declaración da renda e informe da vida laboral na actividade agraria.

q) Se o solicitante é unha persoa xurídica titular de explotación agraria deberá achegar fotocopia cotexada do último exercicio da declaración de impostos de sociedades e da declaración da renda e informe da vida laboral na actividade agraria de, polo menos, o 50% dos socios.

r) No caso de que o solicitante da axuda teña unha explotación con titularidade compartida deberá achegar o informe da vida laboral do titular e cotitular, a última declaración da renda dos dous, a fotocopia cotexada do libro de familia ou certificado de inscrición no Rexistro de Parellas de Feito e as fotocopias cotexadas do DNI dos dous ou autorización ao órgano instructor do procedemento á consulta telemática dos seus datos de identidade no Ministerio de Administracións Públicas. Para iso deberá xuntar o anexo correspondente marcando o recadro de autorización.

3. A presentación da solicitude de axuda polas persoas ou entidades interesadas comportará a autorización ao órgano xestor para solicitar as certificacións que teñan que emitir a Axencia Estatal da Administración Tributaria, a Tesouraría Xeral da Seguridade Social e a Consellería de Economía e Facenda da Xunta de Galicia, de acordo co previsto no artigo 20 da Lei 9/2007, do 13 de xuño de subvencións de Galicia.

4. Recibidas as solicitudes examinaranse os documentos presentados. No caso de que sexan detectadas faltas ou omisións, requirirase, conforme o artigo 71 da LRXAP e PAC, o interesado para emendar os erros ou xuntar a documentación preceptiva no prazo de dez días hábiles, e terase por desistido da súa solicitude en caso contrario, logo de resolución en tal sentido.

*Artigo 8º.-Criterios de concesión das axudas.*

1. No caso de que as peticións de axuda presentadas excedan o crédito dispoñible, ordenaranse as solicitudes atendendo ao seguinte baremo:

a) Por ser cooperativa de maquinaria, cooperativa de explotación comunitaria da terra ou cooperativa con sección específica de maquinaria ou de servizos que incorpore maquinaria, sempre que dispoña de regulamento de funcionamento interno: cinco puntos.

b) Por ser outro tipo de cooperativa ou unha SAT: catro puntos.

c) Por ser titular de explotación prioritaria: catro puntos.

d) Por atoparse a explotación en zona de montaña ou noutras zonas con dificultades, entre as citadas no artigo 36, letra a), incisos i), ii) e iii), do Regulamento (CE) 1698/2005 do Consello, do 20 de setembro de 2005: tres puntos.

e) Por ser agricultor/a mozo/a ou tratarse dunha explotación de titularidade compartida, de acordo co artigo 2 do Real decreto 297/2009, do 6 de marzo, sobre titularidade compartida das explotacións agrarias: tres puntos.

f) Por ser muller: dous puntos.

g) Por ser persoa física ou xurídica cuxa actividade principal sexa a prestación de servizos agrarios: dous puntos.

h) Por tratarse dun modelo de tractor para desmantelar sen estrutura de protección homologada oficialmente: dous puntos.

i) Estar inscrito no ROMA baixo a titularidade do solicitante ou dos socios de cooperativas ou SAT ou por estar vinculada a máquina a desmantelar á mesma explotación do solicitante, desde hai polo menos 4 anos: seis puntos.

j) Por ser agricultor a título principal, segundo a Lei 19/1995, do 4 de xullo, de modernización de explotacións agrarias: nove puntos.

k) No caso de explotacións agrarias, que teñan polo menos dúas unidades de traballo agrario (UTA), que coticen á Seguridade Social na actividade agraria: catro puntos.

l) En función da superficie agraria útil (SAU) da explotación de acordo coa definición establecida na Decisión 2000/115/CE da Comisión, do 24 de novembro de 1999, e da rotación de cultivos levada a cabo nela:

Co fin de baremar a rotación de cultivos, establécese un coeficiente ponderado que se aplicará con respecto aos datos que a Dirección Xeral de Producción Agropecuaria extraerá da última solicitude unificada da declaración de superficies do solicitante da axuda. Naqueles casos en que non a teñan feito deberán presentar unha declaración da superficie agraria útil da súa explotación na cal constarán as referencias catastrais (provincia, concello, polígono, parcela) e o seu uso agrícola, validarase a superficie e o uso polo Sixpac (Sistema de Información Xeográfica de Parcela Agrícola). O dito coeficiente será o resultante de sumar a superficie cultivada da explotación da forma seguinte: hectáreas de pasteiros permanentes multiplicado por un, máis hectáreas de pradeiras temporais menores de 5 anos multiplicado por dous, máis hectáreas de cultivos anuais (agás pratenses) multiplicado por catro. En función do resultado anterior obtido as solicitudes puntuaranse do xeito seguinte:

Coeficiente de 30 a 45: catro puntos.

Coeficiente de 46 a 60: seis puntos.

Coeficiente de 61 a 75: oito puntos.

Coeficiente maior de 75: dez puntos.

No caso de que haxa solicitudes coa mesma puntuación, daráselle prioridade a aquela en que o solicitante substitúa o tractor de maior antigüidade, e en caso de persistir o empate, daráselles prioridade ás que en convocatorias anteriores foron desestimadas por falta de dispoñibilidade orzamentaria.

#### Artigo 9º.-*Resolución das solicitudes.*

1. O órgano de instrución dos expedientes destas axudas será a Dirección Xeral de Producción Agropecuaria. A resolución do expediente correspóndelle ao conselleiro do Medio Rural por proposta da Dirección Xeral de Producción Agropecuaria, logo da avaliación das solicitudes por un órgano colexiado que estará presidido polo subdirector/a xeral de Apoio ás Explotacións Agrarias e integrado polo/a xefe/a do Servizo de Sanidade e Producción Vexetal e por dous/dúas funcionarios/as desa subdirección xeral con categoría non inferior a xefe/a de negociado, un dos cales actuará como secretario. Se por calquera causa, no momento en que a comisión de valoración teña que examinar as solicitudes, algún ou algunha dos seus integrantes non puidesen asistir, será substituído polo funcionario/a que para o efecto designe o subdirector/a xeral.

2. O prazo máximo para ditar e notificar a resolución será de seis meses contados desde o día seguinte ao da publicación no diario oficial da correspondente convocatoria. Transcorrido o dito prazo sen que se notificase a resolución, esta poderase entender desestimada.

3. No caso de solicitudes desestimadas por falta de orzamento, os seus titulares poderán presentar unha

nova solicitude, dentro do prazo sinalado pola nova convocatoria a que se acollan, e seralles de aplicación o disposto nesta última convocatoria, salvo no referente á data da presentación da solicitude, que para os efectos do artigo 6º, considerase válida a data de solicitude inicialmente presentada.

4. No caso de que algún dos beneficiarios renunciase á subvención, o órgano concedente acordará, sen necesidade dunha nova convocatoria, a concesión da subvención ao solicitante ou solicitantes seguintes a aquel en orde da súa puntuación, sempre e cando coa renuncia por parte dalgún dos beneficiarios se liberase crédito suficiente para atender polo menos unha das solicitudes denegadas, e o solicitante manfeste por escrito o mantemento da súa solicitude inicialmente presentada e a aceptación da axuda.

5. Toda alteración das condicións tidas en conta para a concesión das axudas previstas nesta orde e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da resolución de concesión.

#### Artigo 10º.-*Recursos administrativos.*

As resolucións expresas ou presuntas dos expedientes tramitados en aplicación desta orde ou das respectivas ordes de convocatoria esgotan a vía administrativa e contra elas cabe interpoñer os seguintes recursos:

1. Potestativamente, recurso de reposición ante o conselleiro do Medio Rural, no prazo dun mes, a partir do día seguinte ao da súa notificación, ou de tres meses, contado a partir do día seguinte a aquel en que se produza o acto presunto, segundo os casos, de conformidade co establecido nos artigos 107, 116 e 117 da Lei 30/1992, segundo a redacción dada pola Lei 4/1999.

2. Directamente, recurso contencioso-administrativo ante o órgano xurisdiccional contencioso-administrativo competente, no prazo de dous meses, contados a partir do día seguinte ao da súa notificación, se é expresa.

#### Artigo 11º.-*Xustificación e pagamento.*

1. Na resolución de concesión da axuda establecerase a data límite para a execución das actuacións aprobadas. Este prazo estará comprendido entre tres e seis meses, desde a notificación ás persoas ou entidades beneficiarias da resolución favorable. Así mesmo, estas deberán comunicar por escrito a súa execución antes da finalización do prazo, preferentemente aos departamentos territoriais ou ás oficinas agrarias comarcais da Consellería do Medio Rural, presentando a seguinte documentación:

a) Xustificación de ser entregado nun centro autorizado de tratamento ou nunha instalación de recep-

ción o tractor ou máquina agrícola para dismantelar ou o seu pase a vehículo histórico ou o seu envío a países en vías de desenvolvemento.

b) A baixa do tractor ou máquina automotriz dismantelado no ROMA provincial onde estea inscrito, conforme o establecido no artigo 11º do Real decreto 1013/2009, do 19 de xuño, sobre inscrición de máquinas agrícolas nos rexistros oficiais, e tamén no rexistro de vehículos, se estivese inscrito nel.

c) A alta no ROMA do novo tractor ou máquina agrícola, conforme o artigo 11º do Real decreto 1013/2009, do 19 de xuño.

d) Notificación de concesión da axuda.

e) Factura de compra, en que deben aparecer detallados os seguintes conceptos:

1º O prezo da tarifa do tractor ou máquina adquirido, co seu equipamento.

2º Os descontos aplicados pola empresa vendedora, especificando os distintos conceptos e, en especial, o que aplique polo dismantelamento dos tractores ou máquinas automotrices antigos.

3º O prezo neto, sen IVE.

f) Declaración complementaria do conxunto das axudas solicitadas, tanto as aprobadas ou concedidas como as pendentes de resolución, para a mesma finalidade, das distintas administracións públicas competentes ou das súas entidades vinculadas ou dependentes.

2. As facturas acreditativas dos investimentos deberán ter data posterior á da solicitude da axuda, e deberán cumprir as exixencias que establece o Real decreto 1496/2003, do 28 de novembro, polo que se aproba o Regulamento polo que se regulan as obrigas de facturación, e se modifica o Regulamento do imposto sobre o valor engadido, acompañándose do xustificante bancario que verifique o pagamento efectivo delas.

3. O pagamento da axuda realizarase, salvo incumprimento do establecido nesta orde, mediante transferencia á conta bancaria do titular debidamente documentada segundo o artigo 7º.2. d) desta orde.

*Artigo 12º.-Modificación de resolución, incumprimento ou reintegro.*

1. Toda alteración das condicións tidas en conta para a concesión da axuda, en particular o incumprimento do requisito de non ter sido sancionado por delitos ou infraccións ambientais ou contra a Facenda pública, con independencia doutras responsabilidades en que tivese podido incorrer o beneficiario, dará lugar á perda do dereito á subvención concedida, coa obriga de reembolsar as cantidades, de ser o caso, percibidas, incrementadas cos xuros de demora legais.

O beneficiario deberá aproximarse de modo significativo ao cumprimento total dos compromisos que asumiu ao solicitar a subvención. No caso de que non realice o 100% da actividade obxecto da axuda, soamente percibirá a parte proporcional correspondente á actividade realizada, reducíndose proporcionalmente a subvención concedida ou aboada.

Así mesmo, procederá o reintegro, total ou parcial, do importe da axuda máis os xuros de demora producidos desde o pagamento, no suposto de incumprimento das condicións establecidas para a súa concesión e, en todo caso, nos supostos previstos no artigo 37.1º da Lei 38/2003, do 17 de novembro, xeral de subvencións, agás nos casos de forza maior previstos na normativa en materia de axudas á modernización de explotacións agrarias.

*Artigo 13º.-Obriga de facilitar información.*

Ademais da documentación complementaria que, durante a tramitación do procedemento, lle poidan exixir os órganos competentes da Consellería do Medio Rural, as persoas ou entidades beneficiarias das axudas teñen a obriga de facilitar toda a información que lles sexa requirida pola Intervención Xeral da Comunidade Autónoma, polo Tribunal de Contas e polo Consello de Contas, no exercicio das súas funcións de fiscalización e control do destino das axudas públicas, así como a que lles sexa solicitada por calquera órgano de inspección ou control da Unión Europea.

*Artigo 14º.-Vehículos históricos.*

No suposto de tractores de época ou históricos de máis de 30 anos de antigüidade, con valor de colección ou susceptibles de exposición en museos, poderase substituír o seu dismantelamento pola entrega a unha entidade ou asociación legalmente constituída, en cuxos estatutos se recolla esta actividade, que deberá emitir un certificado en que conste o valor de colección ou exposición en museos, que garante a súa retirada da actividade agraria e darase de baixa no ROMA cunha anotación de vehículo histórico. No caso de que a entrega á asociación consista nunha cesión para os efectos museísticos ou de conservación, pero que non se produza a transmisión efectiva da propiedade do tractor e que a asociación non dispoña dun local para a recepción deste, o tractor poderá quedar na explotación do titular sempre que o titular proceda á matriculación como vehículo histórico ao seu nome e que no certificado que achegue a asociación se faga constar que dispón a sección do vehículo para as actividades propias dun vehículo de exhibición no ámbito das actuacións desta.

*Artigo 15º.-Vehículos para proxectos de cooperación.*

No suposto de tractores e máquinas automotrices, que estean ao día da ITV e equipados cos correspondentes dispositivos de seguridade, poderá substituírse o seu dismantelamento pola entrega a unha organización non governamental (ONG) ou outras

entidades no marco da cooperación internacional, para o seu envío a países en vías de desenvolvemento, sempre que se garanta que as devanditas máquinas son retiradas da actividade agraria en España, deberán emitir un certificado da súa entrega e darase de baixa no ROMA cunha anotación que foi entregado a unha ONG ou outra entidade no marco da cooperación internacional.

## SECCIÓN SEGUNDA

## CONVOCATORIA DE AXUDAS PARA 2010

Artigo 16º.-*Presentación de solicitudes.*

1. As solicitudes de axuda para a convocatoria do ano 2010 formularanse conforme os modelos que se xunta nesta orde, anexos I, II, III, IV, V, VI e anexo complementario.

2. O prazo para a presentación de solicitudes será dun mes a partir do día seguinte ao da publicación desta orde no *Diario Oficial de Galicia*. Entenderase como último día de prazo o correspondente ao mesmo día ordinal do día de publicación. Se o último día de prazo fose inhábil, entenderase prorrogado ao primeiro día hábil seguinte e, se no mesmo mes de vencemento non houberse día equivalente ao inicial do cómputo, entenderase que o prazo expira o derradeiro día do mes.

Artigo 17º.-*Financiamento.*

O financiamento das axudas reguladas nesta orde efectuarase con cargo ás seguintes aplicacións orzamentarias do proxecto de orzamentos da Comunidade Autónoma de Galicia para o ano 2010, será de 96.593,18 euros con cargo á aplicación orzamentaria 13.02.712C.770.0 (código proxecto 200209800), 163.124,10 euros con cargo á aplicación orzamentaria 13.02.712C.770.1 (código proxecto 200700425), e 1.086.713,67 euros con cargo á aplicación orzamentaria 13.02.713C.770.2 (código proxecto 200800429), que se poderán incrementar, con xeración, ampliacións ou incorporacións de créditos, con fondos adicionais e con outros remanentes orzamentarios.

*Disposicións adicionais*

Primeira.-Quedan exentos de achegar os xustificantes de cumprimento das obrigas, as axudas especificadas no artigo 48 da Lei 9/2009, do 23 de decembro, de orzamentos xerais da Comunidade Autónoma de Galicia para o ano 2010.

Segunda.-No non previsto nesta orde haberá que atermos ao disposto preferentemente no Real decreto 457/2010, do 16 de abril, polo que se regula a concesión de axudas para a renovación do parque nacional de maquinaria agrícola, e na Lei 38/2003, do 17 de novembro, xeral de subvencións; no seu regulamento executivo, aprobado polo Real decreto 887/2006, do 21 de xullo, polo que se aproba o Regulamento xeral de subvencións e a Lei 9/2007, do 19 de xuño, de subvencións de Galicia, e polo

Decreto 11/2009, do 8 de xaneiro, polo que se aproba o Regulamento da Lei 9/2007.

Terceira.-De conformidade co artigo 13.4º da Lei 4/2006, do 30 de xuño, de transparencia e de boas prácticas na Administración pública galega, a Consellería do Medio Rural publicará na súa páxina web oficial a relación das persoas ou entidades beneficiarias e o importe das axudas concedidas, polo que a presentación da solicitude leva implícita a autorización para o tratamento necesario dos datos dos beneficiarios e da súa publicación na citada páxina web, e tamén se procederá á súa publicación no *Diario Oficial de Galicia*, de acordo coa Lei 9/2007, do 13 de xuño, de subvencións de Galicia.

Así mesmo, de acordo co establecido na disposición adicional primeira do Decreto 132/2006, do 27 de xullo, de creación dos rexistros de axudas, subvencións, convenios e de sancións da Xunta de Galicia, a persoa solicitante da axuda consentirá expresamente a inclusión e publicidade dos datos relevantes referidos ás axudas e subvencións recibidas, así como ás sancións impostas, de ser o caso.

Cuarta.-O outorgamento das axudas reguladas nesta orde queda condicionado á publicación do número do rexistro da solicitude de exención na páxina web da Dirección Xeral de Agricultura e Desenvolvemento Rural da Comisión Europea, e non serán aplicables antes da dita data.

*Disposición derogatoria*

Quedan derogadas as ordes seguintes:

1. A Orde do 24 de xuño de 2008 (DOG nº 125, do 30 de xuño) pola que se establecen as bases reguladoras de concesión de axudas en réxime de concorrencia competitiva para a renovación do parque de maquinaria agrícola da Comunidade Autónoma de Galicia.

2. A Orde do 29 de abril de 2009 (DOG nº 87, do 6 de maio) pola que se modifica a Orde do 24 de xuño de 2008 pola que se establecen as bases reguladoras de concesión de axudas en réxime de concorrencia competitiva para a renovación do parque de maquinaria agrícola da Comunidade Autónoma de Galicia.

*Disposicións derradeiras*

Primeira.-Facúltase o director xeral de Produción Agropecuaria para ditar as instrucións que considere oportunas para a execución desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 13 de xullo de 2010.

Samuel Jesús Juárez Casado  
Conselleiro do Medio Rural





**XUNTA DE GALICIA**  
CONSELLERÍA DO MEDIO RURAL



**ANEXO I: SOLICITUDE PERSOAS FÍSICAS**

PROCEDEMENTO <b>AXUDAS PARA A RENOVACIÓN DO PARQUE DE MAQUINARIA AGRÍCOLA DA COMUNIDADE AUTÓNOMA DE GALICIA (R.D. 457/2010)</b>	CÓDIGO DO PROCEDEMENTO <b>MR414A</b>	DOCUMENTO <b>SOLICITUDE</b>
--	---	--------------------------------

**1. DATOS DO/A SOLICITANTE:**

APELIDOS E NOME		NIF	
DOMICILIO		PROVINCIA	
CONCELLO	LOCALIDADE	CÓDIGO POSTAL	
TELÉFONO	CORREO ELECTRÓNICO		
<b>MÁRQUESE O QUE PROCEDA</b>			
AGRICULTOR MOZO OU TITULARIDADE COMPARTIDA: <input type="checkbox"/> SI <input type="checkbox"/> NON	MULLER: <input type="checkbox"/> SI <input type="checkbox"/> NON	EXPLOTACIÓN PRIORITARIA: <input type="checkbox"/> SI <input type="checkbox"/> NON	ZONA DESFAVORECIDA/MONTAÑA: <input type="checkbox"/> SI <input type="checkbox"/> NON

**2. DATOS DA EXPLOTACIÓN:**

CEA	ENDEREZO		
SUPERFICIE TOTAL CULTIVADA	TIPO DE CULTIVO (ha)	NÚMERO E TIPO DE GANDO	
PARQUE DE MAQUINARIA EXISTENTE			

**3. NÚMERO DE TRACTORES OU MÁQUINAS AGRÍCOLAS PARA DESMANTELAR:**

**4. TRACTOR/MOTOCULTOR OU MÁQUINA AGRÍCOLA PARA DESMANTELAR:**

TRACTOR OU MOTOCULTOR	MARCA	MODELO	MATRÍCULA	ESTRUTURA Si/Non	DATA 1ª INSCRICIÓN	POTENCIA CV
				<input type="checkbox"/> SI <input type="checkbox"/> NON		
				<input type="checkbox"/> SI <input type="checkbox"/> NON		
				<input type="checkbox"/> SI <input type="checkbox"/> NON		
MÁQUINA AUTOMOTRIZ	MARCA	MODELO	MATRÍCULA		DATA 1ª INSCRICIÓN	POTENCIA FISCAL

EQUIPAMENTO DE TRATAMIENTO FITOSANITARIO OU DE DISTRIBUCIÓN DE FERTILIZANTES QUE SE DESMANTELA XUNTO CO TRACTOR	DATA 1ª INSCRICIÓN	MARCA	MODELO

**5. TOTAL CV PARA DESMANTELAR:**

P. FISCAL:( <input type="text"/> x5) = <input type="text"/> + POTENCIA CV: <input type="text"/> = TOTAL CV <input type="text"/>
---

**6. TRACTOR OU MAQUINARIA NOVA QUE SE ADQUIRE:**

CLASE DE MÁQUINA	MARCA	MODELO	CLASIFICACIÓN ENERXÉTICA A/B	EMISIÓN DE GASES Si/Non	PREZO NETO (SEN IVE)
				<input type="checkbox"/> SI <input type="checkbox"/> NON	



## ANEXO I

## DOCUMENTACIÓN QUE SE XUNTA

- FOTOCOPIA COTEXADA DO DNI DO TITULAR, NO CASO DE NON AUTORIZAR OS DATOS DE CONSULTA DE IDENTIDADE.
- CANDO O CÓNXUXE OU PARELLA DE FEITO COTIZAN Á SEGURIDADE SOCIAL NA ACTIVIDADE AGRARIA FOTOCOPIA COTEXADA DO DNI ACTIVIDADE AGRARIA, NO CASO DE NON AUTORIZAR OS DATOS DE CONSULTA DE IDENTIDADE, FOTOCOPIA DO LIBRO DE FAMILIA OU CERTIFICADO DE INSCRICIÓN NO REXISTRO DE PARELLAS DE FEITO E INFORME DA VIDA LABORAL E ÚLTIMA DECLARACIÓN DA RENDA.
- CERTIFICACIÓN DOS DATOS BANCARIOS.
- FACTURA PRO FORMA DA NOVA MÁQUINA AGRÍCOLA/TRACTOR.
- FOTOCOPIA DA CARTILLA AGRÍCOLA E FICHA TÉCNICA DO TRACTOR OU MÁQUINA AUTOMOTRIZ VELLA, E FOTOCOPIA DE CARTILLA AGRÍCOLA E CERTIFICADO DE CARACTERÍSTICAS TÉCNICAS DO EQUIPAMENTO DE TRATAMENTO FITOSANITARIO OU DE DISTRIBUCIÓN DE FERTILIZANTES PARA DESMANTELAR.
- ITV OU SEGURO AO DÍA DO TRACTOR/MÁQUINA AUTOMOTRIZ OU INFORME DUN TÉCNICO DO SERVIZO TÉCNICO AGRARIO/OAC.
- DECLARACIÓN DOUTRAS AXUDAS SOLICITADAS PARA A MESMA FINALIDADE.
- CERTIFICADO DE EMISIÓN DE GASES CONTAMINANTES DO NOVO TRACTOR.
- INFORME DA VIDA LABORAL NA ACTIVIDADE AGRARIA DO SOLICITANTE.
- INFORME DA VIDA LABORAL NA ACTIVIDADE AGRARIA DAS PERSOAS QUE TRABALLAN NA EXPLOTACIÓN.
- FOTOCOPIA COTEXADA DA ÚLTIMA DECLARACIÓN DA RENDA.
- DECLARACIÓN DE SUPERFICIES DA SAU DA EXPLOTACIÓN, NAQUELES CASOS EN QUE NON PRESENTASEN A SOLICITUDE UNIFICADA.



**XUNTA DE GALICIA**  
CONSELLERÍA DO MEDIO RURAL



*ANEXO II: SOLICITUDE COOPERATIVAS E SAT*

PROCEDEMENTO <b>AXUDAS PARA A RENOVACIÓN DO PARQUE DE MAQUINARIA AGRÍCOLA DA COMUNIDADE AUTÓNOMA DE GALICIA (R.D. 457/2010)</b>	CÓDIGO DO PROCEDEMENTO <b>MR414A</b>	DOCUMENTO <b>SOLICITUDE</b>
--	---	--------------------------------

**1. DATOS DA ENTIDADE SOLICITANTE:**

RAZÓN SOCIAL				CIF
<input type="text"/>				<input type="text"/>
DOMICILIO			PROVINCIA	
<input type="text"/>			<input type="text"/>	
CONCELLO	CÓDIGO POSTAL	TELÉFONO	CORREO ELECTRÓNICO	
<input type="text"/>	<input type="text"/>	<input type="text"/>	<input type="text"/>	
<i>MÁRQUESE O QUE PROCEDA</i>				
EXPLOTACIÓN PRIORITARIA: <input type="checkbox"/> SI <input type="checkbox"/> NON			ZONA DESFAVORECIDA/MONTAÑA: <input type="checkbox"/> SI <input type="checkbox"/> NON	

**NA SÚA REPRESENTACIÓN**

DON/DONA	NIF
<input type="text"/>	<input type="text"/>
CARGO	TELÉFONO
<input type="text"/>	<input type="text"/>

CLASE DE COOPERATIVA/SAT	CEA	DATA DE CONSTITUCIÓN	
<input type="text"/>	<input type="text"/>	<input type="text"/>	
OBXECTO SOCIAL DA COOPERATIVA/SAT	Nº REXISTRO	Nº SOCIOS TOTAIS	Nº SOCIOS MAQUINARIA
<input type="text"/>	<input type="text"/>	<input type="text"/>	<input type="text"/>
SUPERFICIE QUE VAI TRABALLAR	PARQUE MAQUINARIA EXISTENTE		
<input type="text"/>	<input type="text"/>		
ACTIVIDADES E CULTIVOS PRINCIPAIS DOS SOCIOS DE MAQUINARIA	NÚMERO E TIPO DE GANDO		
<input type="text"/>	<input type="text"/>	<input type="text"/>	

**2. NÚMERO DE TRACTORES OU MÁQUINAS AGRÍCOLAS PARA DESMANTELAR:**

**3. TRACTOR/MOTOCULTOR OU MÁQUINA AGRÍCOLA PARA DESMANTELAR:**

TRACTOR OU MOTOCULTOR	MARCA	MODELO	MATRÍCULA	ESTRUTURA Si/Non	DATA 1ª INSCRIPCIÓN	POTENCIA CV
<input type="text"/>	<input type="text"/>	<input type="text"/>	<input type="text"/>	<input type="checkbox"/> SI <input type="checkbox"/> NON	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>	<input type="checkbox"/> SI <input type="checkbox"/> NON	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>	<input type="checkbox"/> SI <input type="checkbox"/> NON	<input type="text"/>	<input type="text"/>
MÁQUINA AUTOMOTRIZ	MARCA	MODELO	MATRÍCULA	DATA 1ª INSCRIPCIÓN	POTENCIA FISCAL	
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>	

EQUIPAMENTO DE TRATAMENTO FITOSANITARIO OU DE DISTRIBUCIÓN DE FERTILIZANTES QUE SE DESMANTELA XUNTO CO TRACTOR	DATA 1ª INSCRIPCIÓN	MARCA	MODELO
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>

**4. TOTAL CV PARA DESMANTELAR:**

P. FISCAL:(  x5) =  + POTENCIA CV:  = TOTAL CV

**5. TRACTOR OU MAQUINARIA NOVA QUE SE ADQUIRA:**

CLASE DE MÁQUINA	MARCA	MODELO	CLASIFICACIÓN ENERXÉTICA A/B	EMISIÓN DE GASES Si/Non	PREZO NETO (SEN IVE)
<input type="text"/>	<input type="text"/>	<input type="text"/>	<input type="text"/>	<input type="checkbox"/> SI <input type="checkbox"/> NON	<input type="text"/>



*ANEXO II***DOCUMENTACIÓN QUE SE XUNTA:**

- FOTOCOPIA COTEXADA DO CIF DA ENTIDADE.
- FOTOCOPIA COTEXADA DO DNI DO REPRESENTANTE, NO CASO DE NON AUTORIZAR OS DATOS DE CONSULTA DE IDENTIDADE.
- NO CASO DE COOPERATIVAS OU SAT CUXA ACTIVIDADE PRINCIPAL SEXA A PRODUCCIÓN AGRARIA, FOTOCOPIA COTEXADA DO DNI DE TODOS OS SOCIOS, NO CASO DE NON AUTORIZAR OS DATOS DE CONSULTA DE IDENTIDADE.
- CERTIFICADO DOS DATOS BANCARIOS.
- FACTURA PRO FORMA DA NOVA MÁQUINA AGRÍCOLA/TRACTOR.
- FOTOCOPIA DA CARTILLA AGRÍCOLA E FICHA TÉCNICA DO TRACTOR OU MÁQUINA AUTOMOTRIZ VELLA, E FOTOCOPIA DE CARTILLA AGRÍCOLA E CERTIFICADO DE CARACTERÍSTICAS TÉCNICAS DO EQUIPAMENTO DE TRATAMENTO FITOSANITARIO OU DE DISTRIBUCIÓN DE FERTILIZANTES PARA DESMANTELAR.
- ITV OU SEGURO AO DÍA DO TRACTOR/ MÁQUINA AUTOMOTRIZ OU INFORME DUN TÉCNICO DO SERVIZO TÉCNICO AGRARIO /OAC.
- DECLARACIÓN DOUTRAS AXUDAS SOLICITADAS PARA A MESMA FINALIDADE.
- CERTIFICADO DE EMISIÓN DE GASES CONTAMINANTES DO NOVO TRACTOR.
- ESTATUTOS E DOCUMENTOS DE CONSTITUCIÓN DA COOPERATIVA/SAT.
- INSCRICIÓN NO REXISTRO DE COOPERATIVAS.
- INSCRICIÓN NO REXISTRO DE SAT.
- SE O TITULAR DO TRACTOR OU MÁQUINA AGRÍCOLA VELLA PARA DESMANTELAR É SOCIO DA COOPERATIVA OU SAT, CERTIFICADO DE PERTENZA A ELA.
- SOLICITANTE PERSOA XURÍDICA TITULAR DA EXPLOTACIÓN AGRARIA FOTOCOPIA COTEXADA DA DECLARACIÓN DE IMPOSTOS DE SOCIEDADES DO ÚLTIMO EXERCICIO E DECLARACIÓN DA RENDA E INFORME DA VIDA LABORAL NA ACTIVIDADE AGRARIA DE, POLO MENOS, O 50% DOS SOCIOS.
- INFORME DA VIDA LABORAL NA ACTIVIDADE AGRARIA DAS PERSOAS QUE TRABALLAN NA EXPLOTACIÓN .
- DECLARACIÓN DE SUPERFICIES DA SAU DA EXPLOTACIÓN, NAQUELES CASOS EN QUE NON PRESENTASEN A SOLICITUDE UNIFICADA.







*ANEXO III***DOCUMENTACIÓN QUE SE XUNTA:**

- FOTOCOPIA COTEXADA DO CIF DA SOCIEDADE OU EMPRESA DE SERVIZOS.
- FOTOCOPIA COTEXADA DO DNI DO REPRESENTANTE, NO CASO DE NON AUTORIZAR OS DATOS DE CONSULTA DE IDENTIDADE.
- NO CASO DE PERSOAS XURÍDICAS CUXA ACTIVIDADE PRINCIPAL É A PRODUCCIÓN AGRARIA, FOTOCOPIA COTEXADA DO DNI DE TODOS OS SOCIOS, NO CASO DE NON AUTORIZAR OS DATOS DE CONSULTA DE IDENTIDADE.
- CERTIFICADO DOS DATOS BANCARIOS.
- FACTURA PRO FORMA DA NOVA MÁQUINA AGRÍCOLA/TRACTOR.
- FOTOCOPIA DA CARTILLA AGRÍCOLA E FICHA TÉCNICA DO TRACTOR OU MÁQUINA AUTOMOTRIZ VELLA, E FOTOCOPIA DE CARTILLA AGRÍCOLA E CERTIFICADO DE CARACTERÍSTICAS TÉCNICAS DO EQUIPAMENTO DE TRATAMENTO FITOSANITARIO OU DE DISTRIBUCIÓN DE FERTILIZANTES PARA DESMANTELAR.
- ITV OU SEGURO AO DÍA DO TRACTOR/ MÁQUINA AUTOMOTRIZ OU INFORME DUN TÉCNICO DO SERVIZO TÉCNICO AGRARIO /OAC.
- DECLARACIÓN DOUTRAS AXUDAS SOLICITADAS PARA A MESMA FINALIDADE.
- CERTIFICADO DE EMISIÓN DE GASES CONTAMINANTES DO NOVO TRACTOR.
- ESTATUTOS E DOCUMENTOS DE CONSTITUCIÓN.
- INSCRICIÓN NO REXISTRO OU CENSO CORRESPONDENTE.
- NO CASO DE EMPRESAS DE SERVIZOS AGRARIOS, CERTIFICADO DA AXENCIA TRIBUTARIA QUE RECOLLA A ALTA NA ACTIVIDADE DE ESTACIÓN DE SERVIZOS AGRARIOS.
- SOLICITANTE PERSOA XURÍDICA TITULAR DA EXPLOTACIÓN AGRARIA, FOTOCOPIA COTEXADA DA DECLARACIÓN DE IMPOSTOS DE SOCIEDADES DO ÚLTIMO EXERCICIO E DECLARACIÓN DA RENDA E INFORME DA VIDA LABORAL NA ACTIVIDADE AGRARIA DE POLO MENOS O 50% DOS SOCIOS.
- INFORME DA VIDA LABORAL NA ACTIVIDADE AGRARIA DAS PERSOAS QUE TRABALLAN NA EXPLOTACIÓN .
- DECLARACIÓN DE SUPERFICIES DA SAU DA EXPLOTACIÓN, NAQUELES CASOS EN QUE NON PRESENTASEN A SOLICITUDE UNIFICADA.

ANEXO IV

**DECLARACIÓN DE AXUDAS SOLICITADAS PARA A MESMA FINALIDADE**

DON/DONA		NIF/CIF
<input type="text"/>		<input type="text"/>
DOMICILIO	PROVINCIA	
<input type="text"/>	<input type="text"/>	
CONCELLO	CEA	
<input type="text"/>	<input type="text"/>	

**DECLARO, BAIXO A MIÑA RESPONSABILIDADE:**

Que con relación á solicitude de axuda en réxime de concorrencia competitiva para a renovación do parque de maquinaria de Galicia, segundo o artigo 3 do R.D. 457/2010, do 16 de abril,

Non teño solicitada nin/ou concedida ningunha outra axuda para o mesmo investimento.

Teño solicitada e/ou concedida axuda para o mesmo investimento, a través de:

Nº de expediente:

e por un importe de

E para que conste para os efectos do establecido no artigo 3 do R.D. 457/2010, do 16 de abril, asino esta:

\_\_\_\_\_, de \_\_\_\_\_ de \_\_\_\_\_

Asdo.:

## ANEXO V

## AUTORIZACIÓN Á CONSELLERÍA A CONSULTAR OS DATOS DO DNI

DON/DONA		NIF/CIF
<input type="text"/>		<input type="text"/>
DOMICILIO	PROVINCIA	
<input type="text"/>	<input type="text"/>	
CONCELLO	CEA	
<input type="text"/>	<input type="text"/>	

**AUTORIZACIÓN:**

Autorizo a consellería de conformidade co artigo 2º do Decreto 255/2008, do 23 de outubro, e a orde da Consellería de Presidencia, Administracións Públicas e Xustiza, do 7 de xullo de 2009, que o desenvolve, para a consulta dos meus datos de identidade no Sistema de Verificación de Datos de Identidade do Ministerio da Presidencia.

SI     NON

E para que conste para os efectos da orde de axudas para a renovación do parque de maquinaria agrícola de Galicia.

\_\_\_\_\_ , de \_\_\_\_\_ de \_\_\_\_\_

Asdo.:



**INFORME DE ESTAR EN CONDICIÓN DE USO E NON ABANDONO DA  
MAQUINARIA AGRÍCOLA PARA DESMANTELAR**

Don/Dona  NIF/CIF

técnico do Servizo Técnico Agrario de

ou técnico da Oficina Agraria Comarcal de

en relación á solicitude de axudas para a renovación do parque de maquinaria agrícola da Comunidade Autónoma de Galicia da Orde do

**INFORMA QUE:**

O día  presentouse na explotación ou domicilio do solicitante da axuda

con DNI/CIF  , con domicilio no lugar de

parroquia de  , concello de

provincia de  verificando que o:

-Tractor con nº de bastidor  , marca

modelo  , matrícula  , o

-Máquina automotriz: tipo de máquina

nº de bastidor  , marca

modelo  , matrícula

está ou están en condición de uso e non abandono.

E para que conste para os efectos do establecido no número 1 c) do artigo 5 do R.D. 457/2010, do 16 de abril, polo que se regula a concesión de axudas para a renovación do parque nacional de maquinaria agrícola, asino esta:

\_\_\_\_\_, de \_\_\_\_\_ de \_\_\_\_\_

Asdo.:



**XUNTA DE GALICIA**  
CONSELLERÍA DO MEDIO RURAL



**ANEXO COMPLEMENTARIO**

(CUBRIR NO CASO DE QUE SE DESMANTELEN MÁIS TRACTORES/MOTOCULTORES/MÁQUINAS AGRÍCOLAS)

PROCEDEMENTO <b>AXUDAS PARA A RENOVACIÓN DO PARQUE DE MAQUINARIA AGRÍCOLA DA COMUNIDADE AUTÓNOMA DE GALICIA (R.D. 457/2010)</b>	CÓDIGO DO PROCEDEMENTO <b>MR414A</b>	DOCUMENTO <b>COMPLEMENTARIO</b>
--	---	------------------------------------

**1. DATOS DO/A SOLICITANTE:**

APELIDOS E NOME/ENTIDADE <input type="text"/>	NIF/CIF <input type="text"/>
--	---------------------------------

**3. TRACTOR/MOTOCULTOR OU MÁQUINA AUTOMOTRIZ PARA DESMANTELAR:**

<i>TRACTOR OU MOTOCULTOR</i>	<i>MARCA</i>	<i>MODELO</i>	<i>MATRÍCULA</i>	<i>ESTRUTURA Si/Non</i>	<i>DATA 1ª INSCRICIÓN</i>	<i>POTENCIA CV</i>
<input type="text"/>	<input type="text"/>	<input type="text"/>	<input type="text"/>	<input type="checkbox"/> SI <input type="checkbox"/> NON	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>	<input type="checkbox"/> SI <input type="checkbox"/> NON	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>	<input type="checkbox"/> SI <input type="checkbox"/> NON	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>	<input type="checkbox"/> SI <input type="checkbox"/> NON	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>	<input type="checkbox"/> SI <input type="checkbox"/> NON	<input type="text"/>	<input type="text"/>

  

<i>MÁQUINA AUTOMOTRIZ</i>	<i>MARCA</i>	<i>MODELO</i>	<i>MATRÍCULA</i>	<i>DATA 1ª INSCRICIÓN</i>	<i>POTENCIA FISCAL</i>
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>

<i>EQUIPAMENTO DE TRATAMENTO FITOSANITARIO OU DE DISTRIBUCIÓN DE FERTILIZANTES QUE SE DESMANTELA XUNTO CO TRACTOR</i>	<i>DATA 1ª INSCRICIÓN</i>	<i>MARCA</i>	<i>MODELO</i>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>

Lugar e data

\_\_\_\_\_, de \_\_\_\_\_ de \_\_\_\_\_

SINATURA DO/A SOLICITANTE OU REPRESENTANTE